

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona" broj: 7/10), a u vezi sa Odlukom Vlade Federacije Bosne i Hercegovine o davanju na trajno korištenje roba iz Federalnih robnih rezervi Vladama kantona u Federaciji Bosne i Hercegovine ("Službene novine Federacije Bosne i Hercegovine", broj 37/12)., Vlada Zeničko-dobojskog kantona, na prijedlog Kantonalne direkcije robnih rezervi, na 68. sjednici, održanoj dana 28.06.2012. godine, d o n o s i

ODLUKU

o prihvatanju roba Federalne direkcije robnih rezervi

I.

Prihvata se roba iz Federalnih robnih rezervi koju će Federalna direkcija robnih rezervi dati na trajno korištenje Vladi Zeničko-dobojskog kantona na osnovu Odluke Vlade Federacije BiH o davanju na korištenje roba iz Federalnih robnih rezervi Vladama kantona u Federaciji Bosne i Hercegovine, broj: 595/2012. od 19.04.2012. godine, a koja se prema tački I navedene Odluke sastoji od: 42.000 kg brašna, 1980 lit ulja, 1980 kg šećera, 2500 kg soli, 5.500 kom nareska, pakovanja po 150 gr., 1980 kg deterdženta za veš pakovanja 3/1.

II.

Roba iz tačke tačke I ove Odluke bit će preuzeta iz skladišta Federalne direkcije robnih rezervi i ista će biti transportovana do skladišta Vlade Zeničko-dobojskog kantona odnosno Direkcije robnih rezervi, odakle će biti prevežena do skladišta općinskih organizacija Crvenog križa/krsta Zeničko-dobojskog kantona, koji će vršiti raspodjelu robe građanima na području opština Zeničko- dobojskog kantona .

III.

Raspodjela robe iz tačke I ove Odluke, izvršit će se općinama na području Zeničko-dobojskog kantona prema Planu i strukturi raspodjele roba koji će donijeti Crveni križ Zeničko-dobojskog kantona u saradnji i uz saglasnost sa Ministarstvom za rad socijalnu politiku i izbjeglice. Krajnju raspodjelu roba najugroženijim građanima na području svake opštine Zeničko-dobojskog kantona prema Planu raspodjele Crvenog krsta Zeničko-dobojskog kantona, izvršit će općinske organizacije Crvenog križa/krsta Zeničko- dobojskog kantona.

IV.

Novčana sredstva za prevoz robe iz tačke I ove Odluke od skladišta Federalne direkcije robnih rezervi do skladišta Vlade Zeničko-dobojskog kantona, (Direkcije robnih rezerve) i od skladišta Vlade Zeničko-dobojskog kantona, do skladišta općinskih organizacija Crvenog križa/krsta Zeničko-dobojskog kantona u iznosu od oko 3000,00 KM bit će obezbijedena sa pozicije "Tekuća rezerva" Budžeta Zeničko-dobojskog kantona o čemu će biti donesena posebna odluka.

Izbor prevoznika u skladu sa odredbama Zakona o javnim nabavkama Bosne i Hercegovine i zaključivanje Ugovora o prevozu robe iz tačke I ove Odluke putem direktnog sporazuma, izvršit će Direkcija robnih rezervi.

V.

Za realizaciju ove Odluke zadužuje se Ministarstvo za rad, socijalnu politiku i izbjeglice, Ministarstvo finansija, Kantonalna direkcija robnih rezervi i Crveni križ/krst Zeničko- dobojskog kantona.

VI.

Ova Odluka stupa na snagu danom donošenja.

Broj: 02-_____ /12.
Datum, 28.06.2012. godine
Zenica

PREMIJER

mr.sci. Fikret Plevljak, dipl.ing.

DOSTAVLJENO:

1x Ministarstvo za rad, socijalnu politiku i izbjeglice,
1x Ministarstvo finansija,
1x Kantonalna direkcija robnih rezervi,
1x Crveni križ/krst ZDK, putem Direkcije,
1x a/a.